

CYNGOR CYMUNED Y FELINHELI

Cofnodion Cyfarfod Blynyddol 14 Mai 2019 a gynhaliwyd yn y Neuadd Goffa Felinheli am 6:30 yn yr hwyr.

YN BRESENNOL

Daniel Williams

Eifion Williams

Casi Roberts

Nerys John

Iwan Huws

Swyddog Ariannol: Wynne Barton

Cynghorydd Sir Gareth Griffiths

1.0 GAIR O GROESO A SYLWADAU AGORIADOL

Agorwyd y cyfarfod gan y Clerc esboniodd bod y Cyngor yn dechrau blwyddyn newydd a bod angen Cadeirydd. Diolchodd y Cynghorydd Nerys John i'r Cynghorydd Daniel Williams am ei wasanaeth.

2.0 ETHOL CADEIRYDD

Dywedodd bod enw wedi cael ei gynnig ac eilio a bod y person hwnnw yn barod i gadeirio. Roedd pawb yn gytûn. Etholwyd y Cynghorydd Iwan Huws fel Cadeirydd ac fe gymerodd ei le ar ben y bwrdd.

3.0 YMDDIHEURIADAU

3.1 Iestyn Harris, Mei Gwilym, Einir Coates, Aled Emyr, Gruff John, Sarah Riley

4.0 DERBYN CWESTIYNAU ODDI WRTH AELODAU O'R CYHOEDD

Nid oedd aelodau o'r gymuned yn bresennol.

5.0 ETHOL IS-GADEIRYDD

Eglurodd y Cadeirydd bod angen ethol Is-Gadeirydd. Nid oedd enw wedi cael ei gynnig. Dywedodd y Cynghorydd Daniel Williams y byddai yn barod i fod yn is-gadeirydd os byddai hynny yn dderbyniol ac o gymorth i'r Cyngor. Roedd yr aelodau yn gytûn. Etholwyd y Cynghorydd Daniel Williams fel is-gadeirydd

6.0 ANERCHIAD Y CYN-GADEIRYDD

Diolchodd y Cadeirydd newydd i'r Cynghorydd Daniel Williams am ei wasanaeth hir fel Cadeirydd a'i wahodd i anerchu'r Cyngor. Diolchodd Y Cynghorydd Daniel Williams i'r aelodau am eu gwasanaeth. Diolchodd am yr holl weithgareddau yn enwedig ar y prosiectau sydd yn gwella mwynderau'r pentref. Mae pethau yn symud ymlaen. Diolchodd am y cydweithio ac yn edrych ymlaen at barhau i gydweithio. Dymunodd pob lwc i'r Cynghorydd Iwan Huws yn ei Gadeiryddiaeth.

6.1 ANERCHIAD Y CADEIRYDD

Diolchodd y Cadeirydd i'r Cyn cadeirydd am ei waith hir iawn yn gwasanaethu'r Cyngor. Dywedodd ei fod yn dilyn aelodau gweithgar a ffyddlon. Nid oedd ganddo unrhyw weledigaeth wahanol i'r Cyngor ond ei fod eisiau gweld cynnydd yn y ffordd mae'r Cyngor yn gweithredu. Gobeithir bydd yr is-bwyllgorau yn gallu ystyried materion a dod ac argymhellion i'r Cyngor llawn ar gyfer cadarnhad. Roedd hefyd am weld newid i'r Safonau statudol bod Cadeirydd dim yn y swydd am fwy na

CYNGOR CYMUNED Y FELINHELI

	blwyddyn, dwy ar y mwyaf a bod is-gadeirydd yn symud i'r swydd Cadeirydd yn naturiol.	
7.0	APWYNTIO CYNRYCHIOLWYR	
7.1	Llywodraethwyr yr Ysgol - mae'r Cynghorydd Iestyn Harris ar hyn o bryd yn Gadeirydd y Bwrdd Llywodraethwyr ac oherwydd hyn roedd yr aelodau am ei weld yn parhau i gynrychioli'r Cyngor.	
7.2	Clwb Pêl Droed Ieuencid - etholwyd Gruff John fel cynrychiolydd.	
7.3	Unllais Cymru - Cynrychiolir y Cyngor ar Unllais Cymru gan Iestyn Harris a Nerys John.	
8.0	ETHOL AELODAU A'R IS-BWYLLGORAU	
8.1	Llwybrau a Lon Las - Dewiswyd Nerys John, Gruff John a Mei Gwilym ar yr Is-Bwyllgor	
8.2	Mynwent, Maes Parcio, Safle Moria - Dewiswyd Casi Roberts ac Eifion Williams	
8.3	Priffyrdd, Meinciau a Cysgodfannau - Dewiswyd Daniel Williams, Mei Gwilym	
8.4	Prosiectau Cymunedol - Dewiswyd - Nerys John, Casi Roberts ac Eiliw Williams.	
8.5	Gwefan - Dewiswyd Casi Roberts, Eiliw Williams, Mei Gwilym	
8.6	Cyflogaeth - Dewiswyd Daniel Williams, Iestyn Harris	
8.7	Polisiau - Dewiswyd Iestyn Harris ac Iwan Huws	
8.8	Neuadd Goffa a Cloc - Dewiswyd Daniel Williams, Casi Roberts, Mei Gwilym	
9.0	PENDERFYNU AR NOSON A DYDDIADAU CYFARFODYDD MISOL Y CYNGOR	
	Penderfynwyd parhau a'r trefniad cyfarfod misol presennol gyda gwyliau ym Mis Awst.	
10.0	SEDDI GWAG	
	Mae dwy sedd wag ar y Cyngor. Y Clerc i wneud trefniadau i hysbysu'r achos er mwyn dod o hyd i gynrychiolwyr newydd.	
11.0	ARCHWILIWR MEWNOL	
	Cadarnhawyd bod Eluned Fôn Jones o Gyngor Gwynedd wedi ei apwyntio fel archwiliwr mewnol. Mae llythyr apwyntiad gyda manylder yr hyn sydd ei angen eisoes wedi ei anfon a'i dderbyn.	
12.0	ADRODDIAD CYLLID	
12.1	Cyflwynwyd yr Adroddiad Cyllidol 01/04/2018 - 31/03/2019 gan y Swyddog Ariannol. Cynigwyd ac eiliwyd yr adroddiad fel un cywir ac fe'i derbyniwyd a'u mabwysiadu yn unfrydol gan y Cyngor.	
13.0	POLISIAU'R CYNGOR	
	Fe wnaethpwyd newidiadau i'r canlynol a'u mabwysiadu: Llawlyfr y Cyngor Safonau statudol Fe fabwysiadwyd y canlynol: Rheoliadau Ariannol	

CYNGOR CYMUNED Y FELINHELI

	Aseidiadau Risg Rheolaeth fewnol Polisi Iaith Diogelu Data (bydd y polisi hwn yn derbyn newidiadau ychwanegol dros y flwyddyn sydd i ddod) Datganiad Preifatrwydd Rhyddid Gwybodaeth	
14.0	ADRODDIAD PWYLLGOR CYFLOGAETH	
	Nid yw'r pwyllgor cyflogaeth wedi cyfarfod hyd yma.	
	Daeth y Cyfarfod Blynnyddol i ben oddeutu 7.10 o'r gloch.	